

聞此人等有罪決不可也翌日芑為院相論啓勿湛丁璜并
天啓而罪之芑之姪元祿稱滉之賢力辦於芑滉由是得免
其後元祿數面爭芑失芑怒逐之于江界滉亦棄官還鄉講
明道學沈潜義理淵源濂洛為世儒宗

○上御晝講○兩司啓李芑事三啓不見○日微暈夜艮方如
火氣

十一月乙酉朔傳曰咸陽居昌之民陳軍卒其人之弊

郡邑之吏納柴

木子司宰監者謂之其人

明日欲議于大臣牌招可也因慶尚道御史書啓

也○兩司三啓李芑竄黜事不見○執義俞絳掌令任鼎臣啓

曰江華居民等欲移吉祥牧場于所居古府里以吉祥牧場為

田畝耕食事呈本道及兵戶曹印退又呈本府本府以為監

司及該司曲從私情公然印退事涉駭愕故同僚擬啓請罷而

未即處之李名珪為大司憲議及此事名珪以為不須啓罷臣

等亦以為然而然之公論以名珪為甚非臣等實同其議當此

論啓大事之時無端退去至為未安第以臣等所失甚重請速